

北京圖書館出版社

清末時事新集選

第四冊



(清末)時事采新彙選

第四冊

北京圖書館出版社

時事采新彙選

光緒二十九年十月

光緒二十八年十月二十六日

兵部太常寺太僕寺廂黃旗值日無引 見

醇王假滿請 安 江南正考官戴鴻慈到京請

安 植公續假二十日 聯祥玉崑預備 召見

召見軍機 戴鴻慈 聯祥 玉崑

十月分教職單 教授河南懷慶查嵩成開封舉陝

西榆林呂廷珍興安舉廣東瓊州容景宸廣州舉貴

州鎮遠孫炳陽思南甲 正諭吉林綏芬廳成其相

保定舉延吉廳溫迎辰定州舉直隸束鹿張蘊大名

舉山東壽光高春暉萊州舉河南舞陽全履懷汝州

舉四川西昌傅文莊保甯舉鹽源鄒國模叙州舉

諭旨恭錄 光緒二十八年十月二十六日

訓導吉林長壽子鳳鳴冀州舉磐石楊允懷正定舉

直隸靈壽馬文藻河間挨江蘇贛榆張祖仁蘇州舉

甘肅安化柳逢源平涼舉浙江昌化李鏐台州挨江

西上猶許人偉撫州優唐東鶴山崔斯濬和平何宗

愈俱廣州舉增城陳嵩琪高州挨三水虞承祖連州

挨惠來楊蔚濬廣州舉雲南平彝范宗瑩大理舉

復諭順天府山段駿光河間恩直隸栢鄉王國樑大

名廩江蘇沐陽陳世棟鎮江附江蘇寶應夏誦莘鎮

江廩江西萬載吳祁南康附廣東海康林熙邪瓊州

廩四川合江王肇瑩重慶拔成都賴毓靈資州舉隆

昌艾畫堂順慶廩蘆山王周楨成都拔 復訓直隸

清苑牟寶琪承德舉山東東昌孔繼沅兗州增陝西

商州李毓清西安附渭南劉光祖乾州附河南內鄉

姬慶榮彰德廩福建邵武鄭惕之福州挨四川定遠

王炳煜叙州增雲南文山楊鍾斗臨安恩劍川州趙

駿先徵江廩麗江高宣元江廩

上諭張之洞端方奏參道員請旨懲辦等語湖北試用道

任子齡由刑幕捐納道員指分湖北廣通聲氣變亂昇

非舞文玩法此等劣員若不嚴加懲辦必致敗壞風氣

該督等僅請勒令回籍尙屬輕縱任子齡著即行革職

驅逐回籍交地方官嚴加管束以肅吏治欽此

旨兵丁等借支庫銀內應扣本年十二月次年正月庫銀

諭旨恭錄 光緒二十八年十月二十六日

利息銀兩著加恩展限兩個月欽此

旨著派魁斌綽哈布敦信繼祿看視獎賞欽此

論醫口吃法 錄四百廿四號附錄二

口吃之病在發言之難往往滯於出話之始罕有滯於一語之中或一語之末者緩聲高唱必無是病低聲語亦非常循一轍有口口吃有口則否讀書亦不吃經名醫察驗口吃之人喉管不稍損則病惟在習慣而已原習慣之故或以教人吃而亦吃或以父母口吃自小聽聞逐漸省之亦有不可得其故者受大驚惶亦能致此西國有某甲六歲前常便于出話一日臥於樓樓下失慎火勢甚烈梯已斷不可行矣甲自樓窗躍出下有數人承以被得未死然不能語者二日以後雖能言而常口吃小孩成此疾大都

時事采新彙選 第六卷

壬寅十月廿六日刊

腦亦有關小時腦猶嬌嫩易致此疾患者女少男多統計其數男子十倍於婦女論者謂小女能言較男兒爲早故少染此疾耳出言音韻不清俗稱刁嘴者女反多於男因小女學語最早未能合韻業已多言初不合而習以爲常則成刁嘴迨父母知其智識開而訓責之已不可改矣法國兵例口吃不能傳軍令者不列行伍中計自一千八百五十年至一千八百八十年此三十年間法國抽丁爲兵其以口吃而斥退者多至三萬四千六百九十五人合於抽丁總數一千人中得七人按府州縣分之又復不均則口吃之病非各方一轍也治吃之法層見疊出大抵摹效惟一法爲最靈先於七日間默不一語且避人俾忘出語

之類難既而緩緩發言先思而後出口不任其一結舌或朗誦書文使便於發聲如是七日後可隨意出語然仍須留意果能久慎不忽其病必除世有口吃者盍按法試之

論浴身法

人身生垢惟浴可以去之故浴爲環球所尚雖野蠻之國亦無有不浴者今歐墨二洲之人有日日浴有二三日一浴者其取義維三一以活血爲養身極妙之一法一以潔身俾皆接間不受人憎厭一以快身每浴肌舒皮潤筋絡伸弛殊覺適體中國城廂市集多設浴堂出錢十數文卽可以開津洵稱便易但羣處一室不挂一絲歐墨人大都浴於家其在江河之濱又築浴室多至數百間彼此隔截

時事采新彙選 第六卷

二

壬寅十月廿六日刊

以板爲壁下爲穿八之板河水入其中藉資洗滌室中有擱衣架有坐臥椅有肥皂手巾等物並可任意注水出水惟一旋其機鏟而已若學塾若公廩若遊覽勝地又以浴室爲不可無故早爲之備按浴分六種一曰冷浴二曰涼浴三曰溫浴四曰熱浴五曰沕浴六曰藥浴百度表上水自初度至十五度謂爲冷浴入入初度至五六度之水頓覺大冷全體戰慄牙亦抖頭作痛四肢麻木雖游泳出力因湧來著身之水皆寒故不能發熱閱數分鐘疾首尤甚胸背皆疼喘氣漸急脈伏縮面黃瘦目凹下脣作紫紅色凡此景象皆因水寒而身內之血潛隱筋絡中不能如平日之運行是爲冷浴多不過數分鐘卽當出水否則有害

出水後身發大熱或不即熱覺苦候大熱而止水寒恰度至十五度入之者所覺亦同惟較少耳出水後發熱亦速浴惟醫生命用則用不宜輕易嘗試西人患痧疫西醫以水塊圍其身首即冷浴之法蓋欲激其發熱而痧自愈也自十五至廿四度之水最為涼爽幼生學兒水宜在此水出水後全身微熱大有益於養生是即所謂涼浴無論男女皆以多浴為妙其愈病亦復不少惟老人氣血已衰不宜涼浴或謂小孩涼浴可以堅其力此說誤蓋小孩而氣未盛可比之老人也涼浴宜於早飯前或午後四下至六下之間人用膳後化食約三下鐘此時不可浴必俟化畢而後入水不然能有大害不可不慎焉中國鄉人特在

時事采新彙選第六卷

三 壬寅十月廿六日刊

年幼者飯後無事輒往河中游水其危甚大願聞我言者乘機告之海水往往熱十五至十七度海水百兩中約含鹽四兩入海水洗浴較河水為美故西醫向之浴海水之時以夏令火初為善他時皆不及溫浴者水熱廿四至三十二度或僅二十六至三十度入此水覺舒快喘氣頓減脈亦沈靜肌膚則寬展身略胖居水一下鐘約五十兩水進皮中乏力者隨即泰適其去垢穢而有益於身更不待言出水後宜速穿衣避寒風因毛隙方張最易受病也身患腫疾者溫浴亦有裨或祇以病處入水亦善西人家置一桶長四五尺深一尺半至二尺許先以溫水充之後連小衣坐臥水中惟頭在水外洵善法也水熱至三十二度

以上名為熱浴常日人身熱三十二度水熱三十一度外已不可當其故非他因熱水壓身身中之熱不易洩不若身熱于水之時猶易洩也熱浴時氣急而脈亦急筋絡隨動血至皮下皮作紅色面頰赤目流淚稍久則頭眩腦昏易致大害出水後大汗如雨力為之弱惟患痛瘋者間可熱浴亦須就正於醫方安汽浴之法鍋中燒水至大沸以空管貫其汽于室中或僅貫於浴桶中上以單被掩之頭則或露或不露皆可露者發汗遲不露者發汗速汽浴宜于痛瘋等症使發大汗而身為之舒中國浴室中汽水如簍入其室不入於水即是汽浴惟全身在汽中老弱者不可久居西國之法頭露汽外可無昏毒之虞人無病亦可

時事采新彙選第六卷

四 壬寅十月廿六日刊

汽浴惟其效頗似熱浴不及溫浴之美藥浴者溫水或涼水中雜以藥材如硫磺水銀藥草等視病為何病而醫者選納之或藥浴惟用於病人而健者不可用上古之人集居穴處日與塵土偕其沐浴更多於今日古時猶太人每飯洗手蓋以十指代箸不得不洗淨而取食也摩西掌猶民下溫浴之令幾數見而不鮮希臘古籍載某公主浴於某河中女子尚浴男子更可想矣古詩人詠浴之作層見疊出是亦一証羅馬古人每日晡羣浴十誦勃爾河其事記於史冊他如俄法英美等國皆亘古尚浴迄今可考焉

論養氣衛生

節錄紐約時報 每見少年女子面白唇青似有病狀及飲食合宜又呼吸

清氣豐足則自占勿藥惟其所食者麪飽糖菓蔗糖等不
能化作白血輪之物故雖得養氣亦不能長紅血之輪天
生自然之材料未足故也於是經絡瘀積閉塞此等人宜
其受挑能奮羅斯士之侵而戒肺生乳餅之疾此種微生
細物滋生極速每點鐘即加倍偶得一頭為種越一日夜
之久即滋生一十六兆試算之自察得此數凡人每二十
四點鐘之久若有瘀血一斗經過肺腑尚需清氣三千斗
以焚化之為生血一日夜之久經過肺腑者實不下千餘斗乃言二斗者因每次
經過肺非全瘀尚有生血混合于中瘀血僅生血千分之一
矣然有甚濁而不即死者乃濁積一處而非要害也面無血色之婦女呼吸
常不得全力四分之一想每次所吸者僅得二三升清氣
其實要有七八升始足洗除其血中之瘀積病焉得不生

時事新彙編第六卷

五 壬寅十月廿六日刊

若人呼吸足血輪足則身內之焚化亦足挑能奮羅斯士
無容身之地亦被焚矣清氣即殺微生物之藥也欲明身
內氣息變濁之急試取波斯頓一學堂為鑑學生上堂習
讀兩點鐘之久將其堂舍一驗則見氣息含炭氣甚多過
於宜呼吸之清氣十八倍印度之卡路咳打埠曾監禁一
百四十六人於黑獄中次朝僅存二十三人不死未幾再
發大熱症而死者又過其半幸獲生存者僅數人耳澳士
他列一戰獲虜而歸者三百人囚於監中不久即有二百
六十人死此數事足以表明惡氣壞人之毒至於內傷
症俾思利微生物叢生於肺牢之內如雄兵之困城凡有
弱處均被攻破其肺愈弱愈成內傷及至夜間全閉窗戶

拒絕清氣間有隙隙以布寒之於是每朝起來身體覺寒
且不問何故易感風寒因疑臟腑有所不強其實由於養
氣不足吾嘗見有孩子患肺熱症或喉痛症宜朝早轉輕
乃反加劇何也日間人多出入門戶不停開閉小孩眾多
者啟閉更頻數故患症者得清氣而吸則輕不得則重也
夫有病之孩子至夜睡時且妨冷風相侵貧民之房室不
廣所容養氣不久被火爐及其灶子等吸盡小孩之肺受
病既甚則能吸取清氣無幾故必極清之氣乃可惟在此
密室奚能得此必死而後已耳得內傷之人亦如是時交
冬寒若不遷往南方之暖地則自閉於密室大開火爐令
房內之暖不異炎夏或更過之又無清氣更換又不出外

時事新彙編第六卷

六 壬寅十月廿六日刊

行動以充其肺力其肺內容積挑能奮羅斯士極眾須得
極多養氣始能滅之乃其所吸之氣每次不及四升又自
秋涼以至下年春煖常自密閉不納清風肺中有一卑思
喇士如上文所云一日夜間其滋生之速竟倍至十六兆
百餘內傷者吐痰於手中每次內容之毒微生物多至三
百萬一日夜間吐出之毒微細生物不下六千兆其痰既
乾則眾壁他利亞不翼而飛於空中吾人吸之入而又呼
之出若有機可乘彼即棲足夫內傷之症能相傳染聞之
熟矣此症之壁他利亞飛蕩於空中無微不至即無病之
人房間亦有此物不少但不足畏醫士待藥之人與病者
親近之人洗衣服之人擦爛布之人雖常與內傷人相混

雖若其呼吸清氣豐足則可無礙且清氣可以不費分文取之不竭清氣乃辟除壁他利亞之聖藥何必外求貴品知機者自無內傷之患吾每自人多之房內出門則必將吾肺內之濁氣大呼而出復吸取空中之清氣焉奉勸吾人夜睡須將窗戶略開勿論天色若何如此則可免多種疾病蓋疾病多由於飲食失宜呼吸不清而來也

光緒二十八年十月二十七日

刑部都察院大理寺正黃旗值日外務部引

見

一名刑部二十五名工部七名都察院四名正白蒙

二名廂白漢六名廂紅蒙三名圓明園二十六名

松淮等磨勘繙譯試卷覆

命溥侗請假十日

承芳慶錫預備

召見

召見軍機 承芳 慶錫

陶方帥病故之由

錄十月十九日新聞三則

陶方帥致病之由說其接武昌電憤而咯血舊病復發已紀本報茲聞官場人說其病由向不盡因此也實緣辦理大學堂略有頭緒之後使欲振興武備學堂是時各官亦有請將現在水陸師學堂移改者陶以地面逼狹操演艱難且水陸師之章程亦與武備不同安可改昔日之現成爲今時之創建於力求創新而苦於款絀經某紳捐巨金八萬兩故武備學堂略有端倪不料陶自卸任之後一旦事權不屬竟被事中官吏將某商所捐之款充作賠款而竟改水陸師學堂爲武備學堂陶自問無以對商無以對廣東口稱負責於是憤致傷致病咯血數次病勢較前

時事新報選錄第六卷

壬寅十月廿七日刊

尤甚醫藥無靈遂至不起

紀岑孝子殉母事

川督岑雲帥之長公子子恒太守德固奉其母夫人自粵西赴鄂就醫八月十五日至漢口母夫人病歿太守哀毀逾恆矢志殉母九月十三日奉母夫人柩殯於省城大東門外長春觀太公堅令親屬返漢獨留觀中苦臥殯側旦夕悲戚十九日申時供母夫人膳拜奠後墜僕從出就食食罷反視太守闔戶加槌呼之不應毀扇入視則太守已殉於地其叔父江漢觀察奔視太守面如生命中西醫詳察皆莫測所由云是衝極猝斃或傷腸所致於其衣袋中搜出絕命詞五紙曰復數百言歷述劬勞詞旨哀慟另

有上觀察遺稟一紙錄下姪德固叩懇五叔父大人飭人

擲姪尸於江以著姪廿餘年不孝父母之罪昔許世子不嘗藥春秋書其弑君姪不察母病是熟證誤以桂附等藥奉母親飲非弑母而何如此大逆不孝之子實屬死有餘辜伏乞叔父不必憐惜俯從姪之所請飭人照辦姪不勝感激叩禱之至

按太守効隨其祖襄勤公滇南督署就傳既成童侍其尊甫制軍就學京邸學成應試南旋補博士弟子員授室名媛姻禮通文爲置賸各舉一男辛丑以第七入鄉薦年方二十三歲恒情所揆太守承崇閥壘蔭科名妻子皆極榮燄之遇乃以母夫人一藥之悞誠孝鬱勃脫屣一切竟以

時事新報選錄第六卷

壬寅十月廿七日刊

身殉嗚呼孝矣

武昌要函節登

鄂中友人來函述敘鄂督張宮保自奉量移兩江之命卽電致軍機略謂某去鄂鄂事非他人所能接某將以疾辭軍機覆電略謂朝命既下須先赴任諸從緩議云云友人按張宮保去後鄂中有三局他人殊難接手一槍砲局除甲午乙未兩年甘肅購辦以外絕無嗣響一紡織局拮据情形屢登各報無庸贅述一官錢局所存皆廢紙華洋二款虧欠纍纍張宮保留一日則開一日否則有偃旗息鼓之虞華款尙可支吾洋款斷難含混如昔日之鐵政局不過五十餘萬猶可強盛宮保今則鄂中三局非二千萬斷

難彌補卽有如盛宮保之才力亦決不敢昧然從事何況求之不得此張宮保之不能離鄂之實在情形也現在勉強離鄂而各局仍派劉觀察保林督辦並未移交端午帥因午帥不肯含糊接辦而張宮保亦不願輕易交出因甲午年調署兩江譚敬帥兼護鄂督亦此辦法此次係援照前案也將來實缺鄂督到任恐不能如此通融倘能如願則張宮保有經略大臣節制五省之權勢矣

署理四川總督岑制軍詢問川民疾苦示諭
錄十月十三日民文通報二則

爲詢問疾苦事照得本署部堂恭承恩命權督兩川迭奉電旨促赴署任朝廷眷念蜀民蓋將欲使本署部堂宣布時事采新彙選第六卷
三 壬寅十月廿七日

德意惠爾元元也顧自維德薄能鮮無足語於治道深懼上辜恩遇下負蜀民而惟此求通民情願聞已過之心則不敢不勉今之議蜀事者大都曰辦匪而已本署部堂則以爲匪誠當辦然爾蜀民未必生而爲匪也不生而爲匪乃竟有今日之匪則必因地方牧令有迫之爲匪之事遂使爾蚩蚩者甘於爲匪而不顧矣然既敢焚殺卽是亂民情縱可原法難曲貸獨憐爾良民何罪既受不肖州縣誅求於平日復受亂民匪黨驚擾十目前五夜深維惻然動念爰條疾苦敬問吾民

一災賑疾苦也本年川省亢旱成災業蒙我皇太后皇上鴻慈飭戶部發銀三十萬兩交前督部堂奎及本署部堂

督飭被災各屬核實散放朝廷軫念民依恩至優渥特忍經手印委各員或查報戶口未能核實或散放銀米未能及時竟使皇仁終難下逮究竟被災各屬極貧次貧戶口各有若干印委各員辦理賑濟是否竭力一命之士均有濟物之責況爾縉紳與災民同鄉共井尤應休戚相關其卽各言所知用備參攷

一詞訟疾苦也仕途日難吏治日壞動輒愛民之牧令幾難數覩爾民人等每遇尋常戶婚田土詞訟呈控批准後約需幾時始能傳案幾時始能訊結每案自呈控以至訊結至少須出花費若干亦有一錢竟能得直者否著名稔惡家丁及著名蠹役訟師爾各屬中有之否班館非

時事采新彙選第六卷
四 壬寅十月廿七日

刑例所嚴禁各屬有無置用並所願聞
一徵收疾苦也川省糧賦定額本輕經屢次攤捐猶不敵蘇常賦則近因公約有賠款川省派二百二十萬兩亦須藉資民力固知輸納者今多於昔力或不逮然爾等多係食毛踐土皆係世受國恩況語輕賦之澤已敷百年當茲時局艱危責以奉上急公何谷稍諉顧國家所取於爾等者雖尙無多恐爾等納之於官者或已不少爾等財力慮不免牛耗於中飽之私囊究竟爾等某項所納約有若干其卽就本鄉本鎮各分職業各舉總數彙報查攷以憑詳酌辦理

一關權疾苦也爲關爲暴今日釐卡是矣留難需索通弊

類然川省情形諒亦相似各處局卡究竟於應征厘稅外別索陋規若干是何名目老於行商者必知其詳蓋舉太甚以憑整頓

一兵民疾苦也晉省防軍駐紮外屬兵丁則多半騷擾百姓管帶則多半刻待兵丁川省情形似此者想亦偶有本署部堂批任後如有各屬防軍騷擾百姓及管帶刻待兵丁均准來轅控訴審實立爲重辦

一民教疾苦也查天主耶穌兩教均以勸人行善爲宗旨國家既准其傳行卽不得目爲異教兩教內教外人等同是朝廷赤子同是比閭族黨之人自宜共樂和親悉融畛域無如平民之愚者往往醜詆入教之人每有密友至

時事采新彙編第六卷

五 壬寅十月廿七日

親輒因入教頓生嫌隙教民之狡者又往往恃入教以橫行鄉里凌鑠良民平民歧視教民非也教民欺壓平民亦非也兩各屬民教等人果能相安不至互相魚肉否如爾等敢於互相魚肉本署部堂不問是民是教惟論事理之曲直理直者必爲伸雪理曲者必予嚴懲所以持民教之平卽所以輯和中外也

以上六條本署部堂特就他省情形忖度川省是否有此難遽深知惟望爾摺紳先生矜縷士子各舉所懷來相啟告昔武鄉治蜀廣益集思本署部堂何敢妄擬先賢特義取斷章心當自矢耳固知所舉六事於治道里一漏萬然深維求治之道當以首除疾苦爲先爾紳士商民如於此

外雖有教養遠謨疾苦要事亦可隨時來告弊則去其泰甚利則擇善而從惟巴蜀民情號稱浮動倘有敢於砌詞誣瀆意圖報復陷害者審實必嚴反坐之罪自貽伊戚後悔難追至本署部堂律已接人行政立法凡有闕失均望直言無論當否必皆采納道人木鐸之風今昔或不相遠乎爲此諭仰閩省紳士軍民人等知悉特諭

山西通省捕盜章程

護理山西巡撫部院兼管提督鹽政印務布政使司布政使趙爲明白曉諭百姓自衛身家寓團防於保中互相守助事照得保甲章程最能安民弭盜無如大家奉行故事平日并不實力稽查臨事并不真心救護以致賊胆越大

時事采新彙編第六卷

六 壬寅十月廿七日

盜風越長官府一加督催便說不團練不能助威不斂錢不能辦事紛紛設局募勇事未辦人先擾有事仍不中用不知保甲是爲百姓自衛身家有錢也可辦無錢也可辦如今則爲防備盜賊不是去勦匪邦團練的事只要合在保甲裏頭辦理便能得用況且團練只是虛聲捕盜須有實在方法目下各處屢有搶劫重案兵力不能到處兼顧你們百姓若再大意豈不自討虧吃今爲仿照前在安徽擬定簡明易行章程通飭各屬實力舉辦無非要衛身家爲此示仰通省諸色人等知悉自示之後爾等務遵後開章程十條認真辦理毋得虛應故事所有兩地方官向來查戶口發門牌派更夫等事仍照辦不必再贅此示若

有與爾等地方不甚相合的准爾等稟明地方官略爲變通辦理若爾等鄉規有此告示更加周密的也准稟明照辦總要有事大家齊心拿賊纔是實事求是除暴安良之意其各懷遵毋違特示

第一條 村寨操演救護之法

保甲本爲無事互相稽查有事互相救護那知到有事時大家不是袖手旁觀縮頭不出便是手忙脚亂追趕不上這都是平日不操練的緣故如今替你們定個操演救護的法子免得臨時無主比如你們大小村寨在無事的日子預先各編一口號只許本村人知保董社長按人數預備號簿簽子再令合村住戶不論貧富每人都要預備器

時事采新彙選第六卷

七

壬寅十月廿七日刊

械每牌都要預備燈籠火把不論梆鑼鼓銃爲號各隨其便俱要放在手邊但聽一聲響動每家都要各出一二人惟實在只有老弱病廢的方准邀免若其力可雇人的仍應出錢雇代各持器械如梆鑼聲響在東大家便往東去作爲東邊有賊搶劫齊出救護聲響在別方亦是一樣去救預先分定那一起是中路直追捕拿那一起應該繞路包抄堵截那一起作爲埋伏接應追趕的時候各用口號互相呼應免得錯誤夜間添用燈籠火把一樣操演完就在村外站立一處保董社長每人散給預備的簽子一支回到村內公所地方一人按名收簽一人將名註在號簿上查看誰家的人未到誰人的器械不齊就立刻說明這

是操演你還不到若真正有賊更要退縮了初次由董保社長記罰二次便要真罰三次便要送官今日在這頭操明日在那頭操週而復始自己村內操熟又與鄰近村寨約會操演你來就我我去救你互相赴救法子如此操演齊整請官下鄉查驗照樣操演官看熟練各法的有賞雜亂無章的有罰到得有賊盜時便照此平日操演的樣子大衆齊出自然氣壯胆大奮勇爭先強盜知道你們心齊自然不來惹你又不要設局又不要斂費窮的富的都做得來這便是寓團防於保甲的好法若是隔縣隔省交界村寨也要一樣聯絡操演救護

第二條 勸散戶附入大村並眼之法

時事采新彙選第六卷

八

壬寅十月廿七日刊

零星散戶人少力薄平時不能操練巡防遇有大夥盜賊不能抵禦擒拿你大村董保壯首於秋收後勸令散戶附入大村隨同操演互相保護近來鄉間失事往往因賊去無跡並不跟查多無破獲只要你們等散戶聽得有人喊叫拿賊的聲音或看見有人黑地聚齊或聽見路上有跑走的腳步或有狗叫一切聲響便要手拿器械在要路口大聲助勢使賊不敢走正路若無要口可堵便藏在暗處看他從何處來向何處去待其走過二三十步在後悄悄跟隨賊若知覺你就避開賊又走你又跟跟到天亮便好喊人追拿這算第一等破案時賞銀二十兩破大案的再加一倍若有胆大男子敢往幫助獲盜的也照第一等給賞

若不能跟踪查探只要遠遠看明賊走那一路沒走那一路密密告知大眾免得白起失路這算第二等破案時酌量獎賞若是不管閒事或胡亂指引耽誤拿賊便要重罰且防他與賊通氣大村寨中如追拿賊盜有逃脫的亦照此法遣人分路跟尋有水路的兼要水路分追知會上下紫在水口要路稽查可疑船隻一天兩天都不可歇脚有一種強盜搶後便遠跑一歇脚就拿不着了要照此跟查賊盜自無可逃遁

第三條 打更巡夜之法

有了操練的聲勢又有堵截偵探的法子若外面沒有耳目大家都在睡中那能知道信息所以必要巡更巡更的時事采新彙選第六卷 九 壬寅十月廿七日刊

法子也不要派錢只要按十家牌出人大約一百戶內要出十人多少照此加減太少如十家以內亦要二人輪流巡查總要照應得到如見有形跡可疑的來人不拘敲鑼打梆放銃爲號大家便都出來兜拿如有賊來更夫不知以致誤事即將更夫送官嚴辦如今賊盜還有白日結隊成羣入村搶劫的連白日也要有防備要緊要緊

第四條 公舉保董社首之法

一族有一族之長一村有一村之長若得正人何事不成無如向來不是逞強好事的把持充當便是書役口中所舉多不得人皆因不由公舉以致正經有才德能作事的因此更不肯出頭地方事越辦越壞到得真正有事全不

得濟今後務要地方官親自訪詢無論族長保長俱要關族闔鄉公舉不論有功名無功名只要素日衆人推尊敬服的便可充當族長以下一支公舉一支長保長以下一牌長十牌公舉一甲長凡聚族而居之鄉保長即在衆族長中擇取一二人別姓相半者分舉族長保長無大族者等舉保長不准徇私濫舉不准勾串把持只准此保聯合彼保不准一保保長兼管數十村保以致事權太重違者必究客戶亦照此舉各將應辦保衛各事遵照定章叅以本鄉情形布置妥貼再於平日教訓子弟約束鄉民作一切好事禁一切惡事逐漸整頓地方官隨時考查有不負其職的准其擇尤詳請保獎不能稱職的立即革退仍嚴時事采新彙選第六卷 十 壬寅十月廿七日刊

究濫舉之人另飭切實公舉至保董社首請獎章程現已通行近來凡有保董獲盜立即賞發功牌在案爾等容易周知故不再贅凡事得人則理此本應在前第一條但急則治標所以列操練查巡於前者是要吾民知其要緊的意思

光緒三十八年十月二十八日

工部鴻臚寺正白旗值日無引 見 鹿傳霖等

同鄉官謝 恩 琦侯請假十日 順承連陞預

備 召見 工部奏派稽查火藥局

派出桂公

召見軍機 順承 連陞

旨王增元潤年均著准其留院東城兵馬司副指揮員缺

著汪建猷補授北城兵馬司副指揮員缺著丁汝彪補

授欽此

諭旨恭錄

光緒三十八年十月二十八日

西藏統治錄 錄十月十八日日新聞

義關西藏統治制度經張之洞氏岑春煊氏建策奏呈復經袁世凱氏肅親王等斟酌妥善方由政務處會議西十月四日奏請親裁其統治策綱領錄於下至施行日期經親裁而後可決定云 第一西藏為屬施政之便益分劃六區各區設置巡督官 第二巡督官裁理政治及軍事大權統率各酋長維持區域務使安寧 第三巡督官若以喇嘛僧侶任命則於任命後不能再關涉宗教 第四西藏以全地方為聯合行政組織於其常時及戰時巡督職務如左 一巡督官每年一次會同拉薩府關政治軍事其他要務審議協定 二若區域內起紛擾有兵火之事事采新彙選 第六卷

壬寅十月廿八日刊

虞巡督官協力一致鎮撫 第五各境守備兵以各巡督

官挑選同數兵員編制其營房需費則於各行政區支那

第六拉薩府置參務官關西藏各地政治商工業發達

之狀鑛山開掘之狀宗教消長之狀及其他一切事務無

分定時與臨機方法均須報道清國政府 第七巡督官

每年一次迭次將管轄區域內施政之狀況報之清政府

譯日本報

西藏要險考 錄廿八期選報

黃沛翹稿

蓋察地與者貴原委之周知而談軍務者貴險要之備悉今英吉利占據五印度兼并廓爾喀哲孟雄 一名西金一作錫金 諸部鐵路已開至獨吉嶺其言重在通商而

唐古忒部衆又復迭次阻撓難保不激生變故且邊界野番雜處萬一乘機竊發處處堪虞是則西藏南界之防尤今日之急務也查阿里迤西岡噶江上游有拉楚河狼楚河皆東水西流合而南下復折向東有麻楚河一作瑪楚河自阿里東南流出會之三水既合始名岡噶江又東南流二百里出阿里界經馬木巴作木朗部落至厄納特克國入南海其疆域東自藏界麻爾岳木嶺一作瑪爾裕木嶺向西二千一百餘里南自匝木薩喇嶺向北一千餘里東北近端底斯山周圍以岡噶江源流爲界疑卽唐書泥婆羅明史尼八刺國地爲頗羅罷長子朱爾瑪特策登駐防處有城十三有廟五其北界葉爾羌布

時事采新彙選第六卷

二 壬寅十月廿八日刊

魯特其西爲葱嶺雪山其南界廓爾喀皆爲洛敏湯作木朗地今併歸於廓·阿里宗城一名堆噶爾今爲邊商總匯之區北路山乾竺持逾葱嶺可通俄羅斯此阿里迤西地勢也其自阿里起沿廓爾喀境東南行其要隘曰薩喀曰達卽拉山曰宗喀曰瑪爾曰滾達曰卓黨曰濟龍曰俄龍曰索絨曰札木多曰聶拉木曰熱率橋橋隔紐楚河水發源滾達卓黨山南經俄索聶等處出橋下入廓境又從聶拉木北行至絨轄逾通拉大山至定日汛又東南爲札什宗爲隆邁爲喀爾達有朋楚河會二水入哲境朋楚河發源定日西北向東流結楚河帕里河皆自東北來會西南流入哲孟雄境下流入雅魯藏布江

迤河北行至定結又東北至千壩又東至帕爾又西南至噶里通嶺卽爲哲部獨吉嶺此阿里及後藏南邊要隘也其由帕克哩北行至墊龍西距江孜汛一百四十里又東行至仁子又東爲折拉爲倫子爲洛巴有穆楚河自北來入奈楚河奈楚河發源仁子東趨折拉倫子洛巴南境折東南流入布魯克巴界逾穆楚河東行至喀義其雅魯藏布江山阿里迤北之達木綽克喀巴布山發源曲折東趨受南北大小數十河橫貫全藏至甲噶義折東南流入貉獮野人境下流經印度入南海由喀義東行逾雅魯藏布江又東過烏蘇江源出墨竹工卡以北下流入雅魯藏布江又東過桑楚河至薄宗桑楚河

時事采新彙選第六卷

三 壬寅十月廿八日刊

發源拉里以西之桑楚山東南流經薄宗出都克里山爲薄藏布河南流入羅喀布占國界下流入雅魯藏布江又東繞龍川江上遊過怒江經洛隆至嘉裕橋由東繞道出王卡之西循瀾滄江西岸又東南過江直抵雲南麗江府屬之維西廳蓋藏南沿邊一帶之要隘如此夫藏地層岡疊峙峻峭插天皆發脈於岡底斯山而蜿蜒分布者也藏南沿邊一帶數千里夷人統謂之希穆黎雅大雪山急溜危湍縱橫匝地皆會歸於雅魯藏布江而曲折南流者也惟極西之岡噶江與江卡以東之怒江瀾滄江三水各趨南海不入雅魯藏布江山河之險遠勝內地一夫把隘萬衆趑趄而其稱名則難更僕數也後藏札什倫

布東北行至江孜汎西南行至定日汎皆孔道而定日距邊較近尤爲四通八達是均宜重兵鎮守者乾嘉間惟防廊夷故於濟龍轟拉木絨轄喀達四口堆立鄂博置戍兵今哲孟雄布魯克巴其會城名札什曲宗諸部落將盡歸於英吉利疆場交錯玉帛兵戎何常之有藏南沿邊一帶數千里地能不爲未雨綢繆之計詳審要隘而多設卡防也耶

記者曰近來藏事英俄相持各不相下英已派兵入藏志在力爭藏番則情甘英俄保護不願中國過問而政府凡遇此等事例惟外部外部又該各省今此事又任之駐藏大臣夫駐藏正副兩官皆係旗員向視爲不足重輕之人

時采新彙選第六卷 四 壬寅十月廿八日刊

毫無權力又安望其擔此重任哉識時俊傑盡起而籌之

論俄人謀據黑龍江右岸 錄廿四期外交報

本館駐紮俄國南境奧德薩訪事八月二十日來信據稱近日俄京各部大臣討論俄國將來交還滿洲時應否將黑龍江右岸同時交還一事按中俄所訂東三省退兵條約俄自應將該地交還中國然一經交還則黑龍江行駛船隻之權不能全屬於俄既無全權管理黑龍江則一旦兩國有事俄人船舶往來華人即可阻止如一千九百年拳匪亂時之所爲矣黑龍江左岸雖爲俄屬然右岸既歸中國則華人無論何時可集大兵屯守要害足使俄人左岸各事運動不靈故俄不得黑龍江右岸即不能在東

三省有所施措無怪其戀戀不舍也以行政用兵經商三事而論黑龍江右岸之有關於俄均非淺鮮竊恐將入假不歸矣俄未得黑龍江右岸華商每於其地走私漏稅以廉賤之物由該處運入俄境有損俄國商務然俄人苟永據黑龍江右岸則於中國政治有礙中國亦豈肯輕棄惟觀俄人舉動則未肯得而復失矣俄國某大臣請將滿洲交還中國後距黑龍江右岸五俄里內仍歸俄國版圖又有一俄官言俄宜佔據黑龍江右岸至興安嶺爲止聞諸俄國官場俄國將來或從第二條陳亦未可定俄人知交還滿洲時如仍欲佔據黑龍江右岸中國必不能默爾而息然俄人籌之已熟以爲俄與中國立約退兵時曾訂明

時事采新彙選第六卷 五 壬寅十月廿八日刊

嗣後中俄兩國人民必須設法免有爭鬪之事現在詳察情形知黑龍江右岸仍歸中國兩國人民難免齟齬以此爲辭固不患無以對中國也

俄國內亂 錄十月九日蘇報

邦人有諺曰中國有內亂則外患起俄國有外患則內亂理夫中國平常所畏者外患也欲免外患則不可不務理內亂俄國平常所懼者內亂也欲避內亂則不可不務起外患今也中國幸內亂暫定而俄國不幸外患將絕此清國之所以稍免外患而俄國之所以動招內亂也特是俄國建國以來圖侵略也其計大概皆取因糧于敵則其將校士卒常得因緣外患而致富裕者也故其遠來滿洲者

每擅掠奪得逞嗜欲而留本國者則常怨國家給養其過于薄而中心鬱悶懷不平者衆且久矣當此之時國中大學徒唱導自由而蒙譴者與勞役工人苦壓羈束而思亂者聲氣呼應各處蜂起則其軍人夙懷不平者豈其晏然無事而止必也見其父兄親戚朋友鄉人在亂中者則將肯率內應倒戈攻後之不暇近日俄國人民騷擾特將警報其事一消一長彌久不息益有蔓延不可防之虞者蓋爲是之故也天災流行飢饉殍殍下民困窮益思亂者所在激衆則爲俄國者亦可謂多事哉

俄國內務大臣之洋刺客狙擊而斃也政府捕獲暴人而鞠訊之其人一切沈默不肯首服又問其黨與亦不肯

時事采新彙選第六卷

六 壬寅十月廿八日刊

答但曰我黨同志之士甚衆然其於俄皇不啻非有恩讐又常愛其正直慈仁而願推戴者也但其於政府大臣積年罪惡怨入骨髓其勢必不兩立者也故政府之於我黨也今日誅一人則明日一人必出今年滅一黨則明年一黨必興是以今日吾就于戮固不願其有赦免又不願酌量減刑吾黨之志不敢以一人而決成敗本待多人多時而成就之者也俄國聞而悚然益爲戒心又懼其說傳播國中因以激變未幾四方壯年聞者果憤慨激昂人人思亂之情日益加多遂論以暴人之罪誅死而北方波羅的岸傳聞各地凶歉村民肯率而求食于市府物情騷然回憶俄國從來之內亂大率皆起于南方蔓延於黑海沿

岸諸地今北方各處頻告饑饉其慘狀如此則其南方憂苦凶歉一時騷擾仍逢政府積爲鎮靖而稍就平定者亦聞其報將再亂俄國政府苦心于內政者亦可謂勞哉且俄國所恃而爲固者非有憲法分責結羣民者也非有奕葉仁政不忍背畔者也非有利益財貨收攬人心者也唯有其軍隊而已矣故軍隊而一日善聽于政府也是政府得一日之固安雖有區區陰謀顛覆者政府不甚懼也雖然軍隊者亦人民之一耳人民之間有父兄親戚朋友鄉人皆苦當時之虐政而抗敵政府則爲軍隊者豈獨忽恬然坐而不救傍觀其死哉又豈獨忍其事理彰然而而助桀爲虐骨肉相戕自戕命脉哉故其國一朝有變內亂

時事采新彙選第六卷

七 壬寅十月廿八日刊

蜂起則軍隊者亦自漸不爲政府用又必肯率而叛之者也爲政府者將何有所恃而爲固者也禍至于此其國內政豈能得保之哉
俄國內情既瀕危殆其所遣軍隊鎮定騷亂多不從政府命令如莫斯科府靖定暴民兵士不肯奉其指麾者凡八百人政府皆處罰嚴刑謫戍遠地而其帝都海軍步兵分隊亦以其違命令俱同蒙刑陸軍將校五十七人亦以同罪就縛正法又有俄國一將佐以洩軍事秘密圖書于某國而蒙刑誅政府急改歲計豫算更用俄金四億五千萬羅卜而改築國境要塞接德奧二國者
夫綜今以上而瞻觀之俄國軍紀稍屬頹弛紊亂不可復